



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Puræ matronæ.

urn:nbn:de:hbz:466:1-13534

EUPLEAE PVELLAE naufragæ.
ipsa queritur.

Hic Euplea uagor tumulo sine. me maris unda
Ejicit, & sedes hei mihi terra negat.
Nunc misera affligor scopulis. nunc obruor algæ,
Nec recipit tellus, nec mare, nec scopuli.
Aëre iactamur, rapidis iactamur ab auris.
Nec mihi sunt sedes, nec loca certa mihi.
Nulla quies umbræ miseræ, nullusq; receptus,
Non nebulæ, non menubila nigra tegunt.
Iactor in incertum, fessis Euplea carinis
Explosa, & nautis. hei mihi quid reliquum?
Sit modus o' Euplea. tuus te portus & ipsum
Accipiet littus, terraq; amica tibi.
Et dabit inferias coniux, cineremq; piabit,
Et cineri & tumulo debita persolu et.
Interea tibi dant lacrimas Euplea carine,
Littoralq; ipsa suis moestia sonant numeris.
Fleibileq; ad tumulum uates canit, & tibi carmen
Dedicat. o' felix umbra & amici uale.

PURA E MATRONAE. ipsa loquitur.

Ne manes, ne terra tegat. sinita umbra uagetur.
Nostra quidem certum non habet umbra locum.
Non sedes mihi certa. dies noctesq; uagamur.
Exilio requies nec datur ulla meo.
Ipse error mihi pœna, uiros quod tempore in uno
Et colui una duos, extuli & una duos.

TVMVLORVM

De me igitur seruare fidem, ac retinere pudorem,
Atq; unum de me discite inire torum.

Nomen erat mihi Pura, heu q; nec pura nec insons
Vixi. nunc uitæ crimina morte luo.

VERONILLÆ puellæ. ipsa loquitur.

Salua tibi sit ut urna precor, quæ ad flumina pergis,

Tu uero ut mihi sit urna precare leuis.

Siste. mora est breuis. hoc lege. Veronilla quiesce,

Manibus e& bene sit, e& bene sit cineri.

Mutua sed faciam. bene sit tibi, sit bene natis,

Sit quoq; cum placido lis tibi nulla uiro.

SANCTIAE P VELLAE Neapolitanæ.

ipsa uirum suum pictorem alloquitur.

Quod uitam sine me coniux iniuitus agebas,

In lucem ipse artis munere restitus.

Sic tibi nec sine me uita est ingrata futura,

Nec mors quam fuerat, tam sit acerba mihi.

Sed neq; me ad lusus, aut oscula grata uocabis,

Mutua ne'ue etiam uerba referre putas,

Nam corpus pictura refert, non corporis usum.

Atq; hæc nunc uates, Sanctia non loquitur.

CASTA E matronæ parum pudicæ.

Casta uiros habuit septem, quos extulit omnes.

Hoc ægre est, quod non extulerit totidem.